

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10 i 3/23), na prijedlog Ministarstva za pravosuđe i upravu, Vlada Zeničko-dobojskog kantona, na 119. sjednici, održanoj 27.02.2026. godine, d o n o s i

ZAKLJUČAK

I.

Utvrđuje se Prijedlog Zakona o izmjeni i dopuni Zakona o obilježavanju značajnih datuma.

II.

Zaključak sa Prijedlogom Zakona iz tačke I. ovog zaključka upućuje se u dalju skupštinsku proceduru po skraćenom postupku.

III.

Zaključak stupa na snagu danom donošenja.

Broj: 02- 02- 3870 /26
Datum, 27.02.2026. godine
Zenica

DOSTAVLJENO:
1x Ministarstvo za pravosuđe i upravu,
 Stručna služba Skupštine,
1x a/a.



PRIJEDLOG

Na osnovu člana 17. i 37. stav (1) tačka f) Ustava Zeničko-dobojskog kantona, Skupština Zeničko-dobojskog kantona, na ____ sjednici održanoj dana ____ 2026. godine, d o n o s i:

ZAKON O IZMJENI I DOPUNI ZAKONA O OBILJEŽAVANJU ZNAČAJNIH DATUMA

Član 1.

(Dopuna člana 5.)

(1) U Zakonu o obilježavanju značajnih datuma ("Službene novine Zeničko-dobojskog kantona" broj:16/25), u članu 5. stav (3) iza riječi „njeno ime“ dodaju se riječi, „kao i u ime Skupštine Kantona,“

(2) U članu 5. iza stava (3) dodaje se stav (4) koji glasi:

„(4) Nosiocima ovlaštenja iz stava (3) ovog člana, Odlukom Vlade Kantona, biće dodijeljena potrebna budžetska sredstva za realizaciju aktivnosti za koje su ovlašteni.“

Član 2.

(Izmjena člana 8.)

U članu 8. stav (3) mijenja se i glasi:

„(3) Sastavni dio Programa iz stava (1) ovog člana su nosioci aktivnosti i realizacije, te način obilježavanja Dana Zeničko-dobojskog kantona, kao i finansiranje i planirana medijska podrška i promocija aktivnosti radi šireg informisanja javnosti.“

Član 3.

(Stupanje na snagu Zakona)

Ovaj zakon stupa na snagu narednog dana od dana objavljivanja u "Službenim novinama Zeničko-dobojskog kantona".

Broj: 01-_____/26
Datum, ____ 2026. godine
Z e n i c a

PREDSJEDAVAJUĆI

Ćazim Huskić

O B R A Z L O Ž E N J E

I - USTAVNI OSNOV ZA DONOŠENJE ZAKONA

Ustavni osnov za donošenje ovog zakona sadržan je u odredbi člana 17. Ustava Zeničko-dobojskog kantona kojom se propisuje da Kanton ima sve nadležnosti koje nisu Ustavom Federacije izričito povjerene federalnoj vlasti ili koje nisu Ustavom Federacije utvrđene kao zajedničke nadležnosti Federacije i Kantona te odredbama člana 37. kojom se propisuje da Skupština Kantona donosi zakone i ostale propise za izvršavanje kantonalnih nadležnosti.

II – RAZLOZI ZA DONOŠENJE

Razlozi za donošenje su namjera da sastavni dio Programa obilježavanja značajnih datuma, koji donosi Vlada Kantona za svaku kalendarsku godinu, bude i obilježavanje 29. augusta - Dana Zeničko-dobojskog kantona, kao jednog od značajnih datuma i događaja na području Zeničko-dobojskog kantona, u kojem bi se predvidjeli nosioci aktivnosti i realizacije, te način obilježavanja Dana Zeničko-dobojskog kantona, kao i finansiranje i planirana medijska podrška i promocija aktivnosti radi šireg informisanja javnosti. Ovakav način planiranja obilježavanja 29. augusta - Dana Zeničko-dobojskog kantona, pruža veće mogućnosti njegovog što svečanijeg i dostojanstvenog obilježavanja, u odnosu na dosadašnje vrlo skromne načine obilježavanja ovog značajnog datuma za Zeničko-dobojski kanton.

Pored toga, predviđanje mogućnosti da Vlada Kantona, može i u ime Skupštine Kantona, (ne samo u svoje ime), ovlastiti i druge organe i institucije, jedinice lokalne samouprave sa područja Kantona, kao i organizacije civilnog društva, kulturna ili druga udruženja koja djeluju na području Kantona, da u njeno ime, kao nosioci aktivnosti obilježavanja, provedu aktivnosti vezane za obilježavanje značajnih datuma, kojima će Odlukom Vlade Kantona, biće dodijeljena potrebna budžetska sredstva za realizaciju aktivnosti za koje su ovlašteni, pruža širi okvir za što raznovrsniji, bogatiji i kvalitetniji način obilježavanja 29. augusta - Dana Zeničko-dobojskog kantona.

Obzirom da je članom 140. Poslovnika Skupštine Zeničko-dobojskog kantona – Četvrti prečišćeni tekst (“Službene novine Zeničko-dobojskog kantona”, broj: 5/24 i 8/25), predviđena mogućnost donošenja zakona po skraćenom postupku kada nije u pitanju složen i obiman zakon, Ministarstvo za pravosuđe i upravu odnosno Vlada Zeničko-dobojskog kantona će predložiti, iz navedenih razloga, da se isti donese po skraćenom postupku o čemu će odlučiti Skupština Zeničko-dobojskog kantona kao o prethodnom pitanju na sjednici tokom rasprave o dnevnom redu.

III – PRAVNA RJEŠENJA

Članom 1. predviđa se izmjena i dopuna člana 5. Zakona o obilježavanju značajnih datuma, na način da se da mogućnost i ovlaštenje Vladi Kantona, da može, ne samo u svoje ime, već i u ime Skupštine Kantona, ovlastiti i druge organe i institucije, jedinice lokalne samouprave sa područja Kantona, kao i organizacije civilnog društva, kulturna ili druga udruženja koja djeluju na području Kantona, da u njeno ime, kao nosioci aktivnosti obilježavanja, provedu aktivnosti vezane za obilježavanje značajnih datuma, kao i da se istim Odlukom Vlade Kantona, dodijele potrebna budžetska sredstva za realizaciju aktivnosti za koje su ovlašteni.

Članom 2. predviđa se izmjena člana 8. Zakona o obilježavanju značajnih datuma, na način da se predvidi da sastavni dio Programa obilježavanja značajnih datuma, koji donosi Vlada Kantona za svaku kalendarsku godinu budu i nosioci aktivnosti i realizacije, te način obilježavanja Dana Zeničko-dobojskog kantona, kao i finansiranje i planirana medijska podrška i promocija aktivnosti radi šireg informisanja javnosti.

Članom 3. reguliše se stupanje na snagu navedenog Zakona i njegovo objavljivanje u "Službenim novinama Zeničko-dobojskog kantona".

III. FINANSIJSKA SREDSTAVA POTREBNA ZA PROVOĐENJE ZAKONA:

Za provođenje navedenog Zakona neće biti potrebna dodatna sredstva u Budžetu Zeničko-dobojskog kantona za 2026. godinu, osim planiranih sredstava, a u slučaju potrebe za dodatnim sredstvima nosioci obilježavanja su dužni ista obezbjediti unutrašnjim preraspodjelama.

OBRAZAC IZJAVA O FISKALNOJ PROCJENI**Obrazac IFP NE**

A 1. Obradivač propisa					
Kod	NAZIV				
10010001	SKUPŠTINA KANTONA				
B 2. Osnovni podaci o prijedlogu propisa					
Vrsta propisa/akta	Zakon	DA	Odluka	Strategija	NE
Naziv propisa/akta	Uredba	NE	Drugi akti	Drugi akti planiranja	NE
C 3. Izjava o nepostojanju dodatnih fiskalnih efekata predloženog propisa					

Donošenje Zakona o o izmjeni i dopuni Zakona o obilježavanju značajnih datuma neće imati fiskalne posljedice na Budžet za 2026. godinu u smislu obezbjeđivanja dodatnih budžetskih sredstava, osim planiranih.

**D 4. Pečat i potpis odgovornog lica obradivača, odnosno predlagača propisa**

Mjesto i datum

Zenica, dana 25.02.2026. godine



Broj: 03-02-1567-2/26
Zenica, 04.02.2026. godine

**MINISTARSTVO ZA PRAVOSUĐE I UPRAVU
ZENIČKO-DOBOJSKOG KANTONA**

PREDMET: Mišljenje o Prijedlogu Zakona o izmjeni i dopuni Zakona o obilježavanju značajnih datuma- dostavlja se

- *Veza Vaš akt broj: 06-02-1567-1/26 od 03.02.2026. godine -*

U skladu sa članom 2. Uredbe o Sekretarijatu za zakonodavstvo Vlade Zeničko-dobojskog kantona («Službene novine Federacije BiH» broj 8/96 i «Službene novine Zeničko-dobojskog kantona» broj: 2/05) i članom 31. stav (1) tačka a) Poslovnika o radu Vlade Zeničko-dobojskog kantona («Službene novine Zeničko – dobojskog kantona» broj: 10/21), te na osnovu uvida u tekst Prijedloga Zakona o izmjeni i dopuni Zakona o obilježavanju značajnih datuma, u postupku koji se odnosi na utvrđivanje usklađenosti istog sa Ustavom, pravnim sistemom i metodološkim jedinstvom u izradi propisa dostavljamo vam slijedeće

MIŠLJENJE

Ustavni osnov Prijedloga Zakona o izmjeni i dopuni Zakona o obilježavanju značajnih datuma (u daljem tekstu: Prijedlog Zakona) je pravilno utvrđen.

Prijedlog Zakona je usklađen sa pravnim sistemom iz ove oblasti i u nomotehničkom smislu urađen u skladu sa Jedinstvenim pravilima za izradu pravnih propisa u Zeničko-dobojskom kantonu („Službene novine Zeničko-dobojskog kantona“ broj 5/08).

O prijedlogu da se Zakon donese po skraćenom postupku, odlučivat će se na sjednici Skupštine Kantona, kao o prethodnom pitanju, u okviru rasprave o dnevnom redu, shodno članu 140. stav 3. Poslovnika Skupštine Zeničko-dobojskog kantona – Četvrti prečišćeni tekst („Službene novine Zeničko-dobojskog kantona, broj: 5/24 i 8/25).

Imajući u vidu naprijed navedeno, mišljenja smo da se Prijedlog Zakona može uputiti u dalju proceduru.

Dostavljeno:
1x naslovu,
1x a/a.





Broj: 07-02-1567-2/26
Zenica, 05.02.2026. godine

MINISTARSTVO ZA PRAVOSUĐE I UPRAVU

PREDMET: Mišljenje na Prijedlog Zakona o izmjeni i dopuni Zakona
o obilježavanju značajnih datuma - *dostavlja se*

Ministarstvo finansija je razmotrilo Prijedlog Zakona o izmjeni i dopuni Zakona o obilježavanju značajnih datuma, koji je dostavljen na mišljenje uz akt Ministarstva za pravosuđe i upravu Zeničko-dobojskog kantona, broj: 06-02-1567-2/26 od 03.02.2026. godine, te u skladu sa članom 8. Pravilnika o proceduri izrade izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, broj: 34/16 i 15/18) i članom 31. stav (1) tačka c) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21), u pogledu finansijskih sredstava potrebnih za izvršenje ovog propisa, odnosno o fiskalnoj procjeni propisa, daje slijedeće

MIŠLJENJE

Članom 5. stav 2. Zakona o budžetima u Federaciji BiH („Službene novine FBiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22, 7/25 i 6/26), propisano je da „propisi koji imaju finansijske posljedice na budžet moraju biti obrazloženi, odnosno opravdani analizom troškova i koristi“, a članom 42. stav 1. istog Zakona, propisano je da „prijedlozi zakona, uredbi i drugih propisa koje Vlada donosi ili predlaže donošenje Parlamentu moraju sadržavati procjenu finansijskih efekata na budžet.“

Članom 21. stav 2. Zakona o organizaciji organa uprave u Federaciji BiH («Službene novine Federacije BiH», broj: 35/05), propisano je da „ako se za provođenje zakona ili drugog propisa koji se predlažu moraju osigurati određena finansijska sredstva, organi uprave obavezni su u obrazloženju tog propisa iskazati orijentacijski iznos finansijskih sredstava koja su potrebna za njegovo izvršavanje i odrediti izvore iz kojih treba osigurati ta sredstva.“

Članom 30. stav (1) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21), propisano je da obrazloženje propisa, između ostalog sadrži „visinu i izvor finansijskih sredstava potrebnih za provođenje propisa“, a članom 63. stav (1) Jedinstvenih pravila za izradu pravnih propisa u Zeničko-dobojskom kantonu („Službene novine Zeničko-dobojskog kantona“, broj: 5/08), propisano je da: „Obrazloženje finansijskih sredstava sadrži procjenu potrebnih sredstava, izvora i metoda osiguranja tih sredstava za provođenje propisa.“

U dostavljenom Obrazloženju Prijedloga Zakona o izmjeni i dopuni Zakona o obilježavanju značajnih datuma je između ostalog navedeno da za donošenje Prijedloga Zakona „neće biti potrebna dodatna sredstva u Budžetu Zeničko-dobojskog kantona za 2026. godinu, osim planiranih sredstava, a u slučaju potrebe za dodatnim sredstvima nosioci obilježavanja su dužni ista obezbjediti unutrašnjim preraspodjelama“.

Također, u Izjavi o fiskalnoj procjeni – Obrazac IFP-NE od 03.02.2026. godine, navedeno je:

„Donošenje Zakona o izmjeni i dopuni Zakona o obilježavanju značajnih datuma neće imati fiskalne posljedice na Budžet za 2026. godinu u smislu obezbjeđivanja dodatnih budžetskih sredstava, osim planiranih“.

Imajući u vidu odredbe Zakona o budžetima u Federaciji BiH, obim preuzimanja obaveza od strane Budžeta Zeničko-dobojskog kantona po osnovu ovoga Prijedloga Zakona, može se vršiti samo do iznosa planiranog za navedene namjene u Budžetu Zeničko-dobojskog kantona za 2026. godinu i u Budžetima Kantona za naredne budžetske godine.

Odredbama tačke 8. Uputstva o izvršavanju budžeta sa jedinstvenog računa trezora („Službene novine Federacije BiH“, broj: 34/16), propisano je: „Odgovornost za planiranje i stvaranje obaveza u okviru propisanog budžeta je isključivo na rukovodiocu budžetskog korisnika.“

Odredbama člana 25. stav (2) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21), propisano je:

„Predlagač materijala je odgovoran da prijedlog materijala koji se dostavlja radi razmatranja na sjednicama Vlade bude u skladu sa Ustavom, važećim zakonima i provedbenim propisima.“

S tim u vezi, Ministarstvo finansija ne snosi odgovornost za pravna rješenja predložena od strane obrađivača u dostavljenom Prijedlogu Zakona.

Imajući u vidu gore navedeno Obrazloženje Prijedloga Zakona i dostavljenu Izjavu o fiskalnoj procjeni, Ministarstvo finansija nema drugih primjedbi i sugestija iz svoje nadležnosti.

U slučaju eventualne potrebe za dodatnim sredstvima za provedbu navedenog Prijedloga Zakona, nedostajuća finansijska sredstva kroz uštede i unutrašnje preraspodjele sredstava, obavezni su obezbijediti nosioci obilježavanja značajnih datuma.

Imajući u vidu gore navedeno Obrazloženje Prijedloga Zakona i dostavljenu Izjavu o fiskalnoj procjeni, Ministarstvo finansija nema drugih primjedbi i sugestija iz svoje nadležnosti.

S poštovanjem!

Dostavljeno:

1x Naslovu,

1x a/a.





SAVEZ OPĆINA I GRADOVA FEDERACIJE
BOSNE I HERCEGOVINE
Association of municipalities and cities of the
Federation of Bosnia and Herzegovina

Sarajevo, 23.02.2026. godine

Broj: 88/26

FEDERACIJA BOSNE I HERCEGOVINE
MINISTARSTVO ZA PRAVOSUĐE I UPRAVU ZENIČKO-DOBOJSKI KANTON
Ul. Kučukovići br.2
72 000 Zenica
n/r ministar Nebojša Nikolić

PREDMET: Obavijest, dostavlja se

Poštovani,

U skladu s Vašim dopisom broj 06-02-1567-3/26 od 03.02.2026.godine, kojim ste nam dostavili Prijedlog Zakona o izmjeni i dopuni Zakona o obilježavanju značajnih datuma, radi dostave komentara, mišljenja i sugestija, obavještavamo Vas da nijedna općina/grad nije dostavila svoje komentare, mišljenja niti sugestije na navedeni propis.

Za sva eventualna pitanja, stojimo vam na raspolaganju.

S poštovanjem,



Vesna Travljanin, mr.sc.
Direktor Saveza općina i gradova FBiH

Musala 5/I 71000 Sarajevo

Tel: +387 (0)33 216 502; +387 (0)33 209 024; +387 (0)33 209 120; +387 (0)33 552 811
Fax: +387 (0)33 552 810; +387 (0)33 216 502 / Email: savez@sogfbih.ba / Web: www.sogfbih.ba

881.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na 44. sjednici održanoj dana 24.09.2025. godine, donosi

**ZAKON
O IZMJENI ZAKONA O PLAĆAMA I
NAKNADAMA POLICIJSKIH SLUŽBENIKA
ZENIČKO-DOBOJSKOG KANTONA**

Član 1.

(Izmjena člana 17.)

U Zakonu o plaćama i naknadama policijskih službenika Zeničko-dobojskog kantona („Službene novine Zeničko-dobojskog kantona“, broj: 13/17, 4/22 i 4/24) u članu 17. stav (1) u tački (b) broj „30“ zamjenjuje se brojem „35“, a u tački (c) broj „20“ zamjenjuje se brojem „30“.

Član 2.

(Stupanje na snagu)

Ovaj Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-02-17525/25
Datum, 24.09.2025. godine
Zenica

PREDSJEDAVALAČ

Ćazim Huskić, s.r.

882.

Na osnovu člana 17. i 37. stav (1) tačka f) Ustava Zeničko-dobojskog kantona, Skupština Zeničko-dobojskog kantona, na 44. sjednici održanoj dana 24.09.2025. godine, donosi:

**ZAKON
O OBILJEŽAVANJU ZNAČAJNIH DATUMA**

DIO PRVI - OPĆE ODREDBE

Član 1.

(Predmet)

Ovim Zakonom utvrđuju se značajni datumi za Zeničko-dobojski kanton (u daljem tekstu: Kanton), nosioci obilježavanja značajnih datuma, planiranje i realizacija aktivnosti, kao i izvori i način finansiranja.

Član 2.

(Cilj Zakona)

Cilj ovog Zakona jeste njegovanje i obilježavanje datuma koji su značajni za Kanton i jedinice lokalne samouprave s područja Kantona.

Član 3.

(Definicija značajnog datuma)

Značajni datum u smislu ovog Zakona je datum koji se odnosi na historijske, kulturne, političke, društvene ili druge događaje koji imaju poseban značaj za Kanton i jedinice lokalne samouprave sa područja Kantona, a čije obilježavanje doprinosi očuvanju kolektivnog identiteta, sjećanja i tradicije Kantona i njegovih gradova i općina.

**DIO DRUGI - ZNAČAJNI DATUMI, NOSIOCI,
NAČIN OBILJEŽAVANJA I FINANSIRANJE,
PLANIRANJE I REALIZACIJA AKTIVNOSTI**

Član 4.

(Utvrđivanje značajnih datuma)

(1) Kao značajni datumi za Kanton utvrđuju se:

- a) 29. august - Dan Zeničko-dobojskog kantona;
- b) Ostali datumi od značaja za Kanton i jedinice lokalne samouprave, utvrđeni posebnim aktima Vlade Zeničko-dobojskog kantona (u daljem tekstu: Vlada Kantona) ili Skupštine Zeničko-dobojskog kantona (u daljem tekstu: Skupština Kantona).

(2) Obilježavanje državnih praznika Bosne i Hercegovine i drugih značajnih datuma, kao što su:

- a) 01. mart - Dan nezavisnosti Bosne i Hercegovine;
- b) 25. novembar - Dan državnosti Bosne i Hercegovine;
- c) 11. juli - Međunarodni dan sjećanja na genocid u Srebrenici;

vrši se u skladu sa ovim Zakonom i važećim državnim zakonima i propisima.

Član 5.

(Nosioci obilježavanja)

(1) Nosilac obilježavanja značajnog datuma iz člana 4. stav

(1) tačka a) je Skupština Kantona.

(2) Vlada Kantona je nosilac obilježavanja ostalih datuma od značaja za Kanton i jedinice lokalne samouprave, kao i državnih praznika Bosne i Hercegovine i drugih značajnih datuma iz člana 4. stava (2).

- (3) Vlada Kantona može ovlastiti i druge organe i institucije, jedinice lokalne samouprave sa područja Kantona, kao i organizacije civilnog društva, kulturna ili druga udruženja koja djeluju na području Kantona, da u njeno ime, kao nosioci aktivnosti obilježavanja, provedu aktivnosti vezane za obilježavanje značajnih datuma.
- (2) Kantonalna ministarstva su dužna u okviru svoje nadležnosti dostaviti prijedloge za izradu prijedloga Programa iz stava (1) ovog člana i izvršiti sve obaveze utvrđene Programom.
- (3) Donošenje Programa iz stava (1) ovog člana vezano za obilježavanje Dana Zeničko-dobojskog kantona vršit će se prema odredbama Zakona o utvrđivanju i obilježavanju Dana Zeničko-dobojskog kantona („Službene novine Zeničko-dobojskog kantona“, broj: 6/13).

Član 6.

(Način obilježavanja)

- (1) Obilježavanje značajnih datuma se organizuje kroz obrazovne, naučne, kulturne i druge javne događaje.
- (2) Aktivnosti na obilježavanju značajnih datuma obavljaju se u saradnji sa javnim ustanovama, organizacijama civilnog društva i jedinicama lokalne samouprave na području Kantona.

Član 7.

(Finansiranje aktivnosti)

- (1) Sredstva neophodna za finansiranje aktivnosti obilježavanja značajnih datuma obezbjeđuju se iz budžeta Kantona.
- (2) Skupština Kantona, u svom budžetskom zahtjevu, a Vlada Kantona, u budžetskim zahtjevima resornih ministarstava i Ureda premijera Zeničko-dobojskog kantona, su obavezni da planiraju sredstva koja su neophodna za aktivnosti obilježavanja značajnih datuma za narednu godinu.
- (3) Osim na način predviđen stavom (1) sredstva za finansiranje aktivnosti na obilježavanju značajnih datuma mogu se obezbijediti iz donacija, sponzorstva i drugih izvora u skladu sa zakonom.

Član 8.

(Planiranje i realizacija aktivnosti)

- (1) Vlada Kantona će na prijedlog Ureda premijera Zeničko-dobojskog kantona, a u okviru svojih nadležnosti i ovlaštenja, za svaku kalendarsku godinu donijeti Program obilježavanja značajnih datuma (u daljem tekstu: Program) iz člana 4. ovog Zakona za svaki datum posebno, kojim će se planirati nosioci aktivnosti i realizacije, način obilježavanja i finansiranje i planirati medijska podrška i promocija aktivnosti radi što šireg informisanja javnosti.

Član 9.

(Drugi značajni datumi)

- (1) Skupština Kantona i Vlada Kantona mogu svojim posebnim odlukama odrediti i druge datume za koje se ocijeni da su u određenom vremenu od značaja za Kanton, a koji se ne obilježavaju svake godine već kao jubilej ili je iste potrebno obilježiti radi kulture sjećanja.
- (2) Jedinice lokalne samouprave također mogu svojom odlukom utvrditi i druge značajne datume koji su od značaja za jedinicu lokalne samouprave.
- (3) Vlada Kantona može učestvovati u organizaciji i obilježavanju značajnih datuma za jedinicu lokalne samouprave.

DIO TREĆI - ZAVRŠNE ODREDBE

Član 10.

(Upotreba roda)

Svi izrazi u ovom Zakonu dati u muškom gramatičkom rodu odnose se bez diskriminacije i na žene.

Član 11.

(Stupanje na snagu)

Ovaj Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-02-17526/25
Datum, 24.09.2025. godine
Zenica

PREDSJEDAVALA

Čazim Huskić, s.r.

.....